

Whakaetanga ki te Tumuaiki Kai-whakawa o te Kooti Whenua Maori kia tukuna he piira.

ISLINGTON, Kawana.

OTA KAUNIHERA

I te Whare o te Kawana, i Poneke, i tenei te tekau ma waru o nga ra o Noema, 1912.

Tu ana i reira :

KO HIS EXCELLENCY TE KAWANA I ROTO I TONA KAUNIHERA.

NOTEMEA, kua meinga hei ture e wahanga-tekiona tahi o tekiona rima tekau o te Ture Whenua Maori, 1909, a nga wa katoa a i ia wa i ia wa ano hoki, i runga i te tono *ex parte*, pewhea ranei, a tetahi tangata e whai paanga ana, ka ahei te Tumuaiki Kai-whakawa ki te mahara ia e tika ana, mehemea ka marama ia kua whakaaturia e te kaitono tetahi he *prima facie*, i runga i nga take, i runga ranei i ta te ture, kei te takoto i roto i tetahi ota tuturu a te Kooti Whenua Maori, ki te whakaae kia tuku piira whakaae atu te kai-tono ki te Aperata Kooti mo taua ota, ahakoa i runga i te paunga o te taima, i tetahi huarahi ke atu ranei, kaore kau he mana o te kai-tono ki te tuku piira atu ki taua Kooti.

A notemea kua meinga e wahanga-tekiona rua o taua tekiona, ki te kore e matua whakaetia e te Kawana i roto i tona Kaunihera, kua e whakaetia e te Tumuaiki Kai-whakawa kia tukuna he piira i raro i tenei tekiona ki te kore i tonoa taua whakaetanga i roto i nga tau e rima o muri iho i te ra i mahia ai te ota e piiratia ana.

A notemea kua tukua he tono ki te Tumuaiki Kai-whakawa o te Kooti Whenua Maori kia whakaetia kia tukua he piira whakaae atu ki te whakatau a te Kooti Whenua Maori, i tuhia i te 20 o Oketopa, 1898, i te whakatuunga o nga kai-riiwhi mo Tihirangi, kua mate, mo ona paanga ki Ngatihinewai Poraka me etahi atu whenua.

A notemea e tika ana kia whakaetia kia tukua taua piira.

No reira, His Excellency te Kawana o te Tominiiona o Niu Tirenī, i runga i te whakahaerenga me te whakatutukitanga i nga mana me nga kaha kua whakawhiwhia ki a ia e wahanga-tekiona rua o tekiona rima tekau o te Ture Whenua Maori, 1909, a i runga hoki i te tohutohu me te whakaae a te Kaunihera Whiriwhiri o taua Tominiiona, tenei ka whakaae kia whakaetia atu e te Tumuaiki Kai-whakawa kia tukuna he piira i runga i nga tikanga kua kua ake nei. A tenei ka panuitia i whakaputaina tenei Ota Kaunihera i raro i nga tikanga mo taua mahi kei roto i te Ture Whenua Maori, 1909, a ka whai mana ano he whakaetanga na te Kawana i roto i tona Kaunihera ki nga whakahaerenga kua whakamanaia e tenei.

J. F. ANDREWS,

Karaka o te Kaunihera Whiriwhiri.

Panuitanga kua taka etahi Whenua Maori ki raro i Wahi XVI o te Ture Whenua Maori, 1909.

ISLINGTON, Kawana.

OTA KAUNIHERA.

I te Whare o te Kawanatanga, i Poneke, i tenei te 18 o nga ra o Noema, 1912.

Tu ana i reira :

KO HIS EXCELLENCY TE KAWANA I ROTO I TONA KAUNIHERA.

NOTEMEA kua meinga hei ture e tekiona toru rau e rima tekau ma toru o te Ture Whenua Maori, 1909 (ka huaina i raro nei ko "taua Ture"), ina whakatuturutia tetahi kupu pera me tera e whakaaturia nei i roto i rarangi (c) o tekiona toru rau e wha tekau ma ono o taua Ture ka ahei te Kawana, ki te mahara ia e tika ana, i runga i te Ota Kaunihera ki te whakahau ko te whenua e pangia ana e taua kupu ka ekengia e Wahi XVI o taua Ture timata atu i te ra o te Ota Kaunihera; a hei reira tonu taua whenua ka uru, a i nga wa katoa ano hoki i muri iho, i te wa e mana ana taua Ota Kaunihera, ka takoto i raro i taua Wahi o taua Ture i runga i tera aronga, me ona tikanga katoa ka pa ano tonu me te mea nei taua whenua e ekengia ana e taua Wahi o taua Ture i runga i tetahi Ota Kaunihera i mahia i raro i tona mana :

A notemea i runga i te kupu pera me tera e whakaaturia nei e rarangi (c) o taua tekiona toru rau e wha tekau ma ono, i paahitia e tetahi huinga o nga tangata no ratou te whenua a i ata whakatuturutia e te Poari Whenua Maori o te Takiwa o Tairawhiti, whakataua ana ko nga poraka ko nga wahi whenua ranei e ata whakaaturia nei i roto i te Kupu Apiti ki tenai me rihi e taua Poari i raro i Wahi XVI o taua Ture : A notemea e tika ana kia panuitia kua taka ana whenua ki raro i Wahi XVI o taua Ture :

Na reira i runga i te whakahaerenga me te whakatutukitanga o nga mana mo tenei mahi kua whakawhiwhia ki a ia e tauat ekiona toru rau e rima tekau ma toru, ko His Excellency te Kawana o te Tominiiona o Niu Tirenī, i runga i te tohutohu me te whakaae a te Kaunihera Whiriwhiri o taua Tominiiona, tenei ka panui ko nga poraka ko nga wahi whenua ranei e whakaaturia nei e te Kupu Apiti ki

tenei me taka ki raro i Wahi XVI o te Ture Whenua Maori, 1909, timata atu i te ra o tenei Ota Kaunihera : A tenei ka panuitia i whakaputaina tenei Ota Kaunihera i raro i nga tikanga mo taua mahi kei roto i te Ture Whenua Maori, 1909, a ka whai mana ano he whakaetanga na te Kawana i roto i tona Kaunihera ki nga whakahaerenga kua whakamanaia e tenei.

KUPU APITI.

KATOA tera pihi tera wahi whenua ranei kei roto i te Takiwa Ruri o Tokomaru, tona nui e 441 nga eka e 3 nga ruuri e 20 nga paati, nui atu iti iho ranei, e mohiotia ana ko Marahea Poraka; ko nga rohe, ki te rato ko Karoronui Awa me Taumatapatiti Nama 3 Poraka; ki te raki ko Nuhiti Nama 1 Poraka me Waioué Paraka; a ki te rawhiti me te rawhiti-ma-tonga ko te Moana-nui-a-Kiwa.

Katoa tera pihi tera wahi whenua ranei kei roto i te Takiwa Ruri o Tokomaru, tona nui e 3760 nga eka e 3 nga ruuri e 5 nga paati, nui atu iti iho ranei e mohiotia ana ko Nuhiti Nama 1, Poraka; ko nga rohe, ki te tonga me te rato ma-tonga ko Waioué, ko Marahea, ko Taumatapatiti Nama 3 me Taumatapatiti Poraka; ki te rato ko Tokomaru L me 3 G. Poraka; ki te rawhiti-ma-raki me te rawhiti ko Tokomaru B 5 me 10 Poraka, ko Waihoa Nama 1, ko Nuhiti Nama 2, me Tangoiro Poraka; a ki te rawhiti ko te Moana-nui-a-Kiwa.

Katoa tera pihi tera wahi whenua ranei kei roto i te Takiwa Ruri o Tokomaru, tona nui e 340 nga eka 1 ruuri e 22 nga paati, nui atu iti iho ranei, e mohiotia ana ko Nuhiti Nama 2 Poraka; ko nga rohe ki te rawhiti-ma-raki me te rawhiti ko Wairoa Awa, ko Mawhai Poraka, me te Moana-nui-a-kiwa; ki te rato-ma-raki me te rato-ma-tonga ko Waihoa Nama 1, ko Nuhiti Nama 1 me Tangoiro Poraka; a ki te rawhiti ko te Moana-nui-a-Kiwa.

Katoa tere pihi tera wahi whenua ranei kei roto i te Takiwa Ruri o Tokomaru, tona nui e 348 nga eka 1 ruuri e 20 nga paati, nui atu iti iho ranei, e mohiotia ana ko Tangoiro Poraka; ko nga rohe, ki te rato-ma-tonga me te rato-ma-raki ko Nuhiti Nama 1 Poraka; ki te rawhiti-ma-raki ko Nuhiti Nama 2 Poraka; a ki te rawhiti ma-tonga ko te Moana-nui-a-Kiwa.

Katoa tera pihi tera wahi whenua ranei kei roto i te Takiwa Ruri o Tokomaru, tona nui 142 nga eka o 22 nga paati, nui atu iti iho ranei e mohiotia ana ko Waioué Poraka; ko nga rohe, ki te tonga ko Marahea Poraka; ki te rato-ma-raki me te raki ko Nuhiti Nama 1 Poraka; a ki te rawhiti ko te Moana-nui-a-Kiwa.

J. F. ANDREWS,

Karaka o te Kaunihera Whiriwhiri.

Mema mo te Poari Whenua Maori kua Whakaturia.

Tari Maori, Poneke, 12 o Noema, 1912.

KUA pai His Excellency te Kawana ki te whakatu ano i a,

ERUERA RERE NEKETINI, o Levin, me
IHATA HUTANA, o Waipawa,

hei mema mo te Poari Whenua Maori o te Takiwa o Ikaroa, i raro i nga tikanga o Tekiona 64 o te Ture Whenua Maori, 1909; me timata mai i te 5 o Hurae, 1912, to raua tu.

W. H. HERRIES,

Minita mo te Taha Maori.

Mema mo te Poari Whenua Maori kua Whakaturia.

Tari Maori, Poneke, 12 o Noema, 1912.

KUA pai His Excellency te Kawana ki te whakatu ano i a

OTENE, PITAU, o Khipane, me
THOMAS BROOK, o Khipane,

hei mema mo te Poari Whenua Maori o te Takiwa o Tairawhiti, i raro i nga tikanga o tekiona 64 o Te Ture Whenua Maori, 1909, me timata mai i te 8 o nga ra o Akuhata, 1912, to raua tu.

W. H. HERRIES,

Minita mo te Taha Maori.

Mema mo te Poari Whenua Maori kua Whakaturia.

Tari Maori, Poneke, 12 Noema, 1912.

KUA pai His Excellency te Kawana ki te whakatu ano i a

MARK TEBETU, o Kopu, Thames, me
JAMES WILLIAM WALLACE SEYMOUR, o Te Kuiti,

hei mema mo te Poari Whenua Maori o te Takiwa o Waikato-Maniapoto, i raro i nga tikanga o Tekiona 64 o te Ture Whenua Maori, 1909, me timata mai i te 19 o Hepe-tema, 1912, to raua tu.

W. H. HERRIES,

Minita mo te Taha Maori.